

КЕЛИШИЛДИ

Соғлиқни саклаш вазирлиги Фан  
ва тиббий таълим Башбошкормаси  
бошлиғи С.Исмаилов

“05 Октябрь 2018 й.



**Тиббиёт олий таълим муассасаларида талабалар билимини назорат  
қилиш ва баҳолаш тизими тўғрисидаги  
НИЗОМ**

Мазкур Низом Адлия вазирлиги томонидан 2018 йил 26 сентябрда №3069  
қайд рақами билан давлат рўйхатидан ўтказилган ҳамда Олий ва ўрта маҳсус  
таълим вазирининг 2018 йил 29 сентябрдаги 820-сонли буйруги билан  
тасдиқланган “Олий таълим муассасаларида талабалар билимини назорат  
қилиш ва баҳолаш тизими тўғрисида”ги низом асосида ишлаб чиқилган

**1-боб. Умумий қондалар**

1. Мазкур Низом 2018-2019 ўқув йилида, шунингдек кейинги ўқув  
йилларида олий таълим муассасаларига ўқишига қабул қилинган талабаларнинг  
билимини назорат қилиш ҳамда баҳолашда қўлланилади.
2. Мазкур Низом талаблари қонун хужжатларига мувофиқ ўқув жараёни  
модул тизимига асосланган олий таълим муассасаларида талабалар билимини  
назорат қилиш ва баҳолашда қўлланилмайди.
3. Талабалар олий таълим муассасалари профессор-ўқитувчилари  
тomonидан биринчи машғулотда мазкур Низом талаблари билан таништирилиши  
шарт
4. Талабалар билимини баҳолашда малакавий амалиёт, курс иши, фан  
(фанлараро) давлат аттестацияси, битирув малакавий иши, шунингдек  
магистратура босқичида илмий-тадқиқот ва илмий-иедагогик ишлар ҳамда  
магистрлик диссертацияси бўйича мазкур Низомда белгиланган баҳолаш  
мезонлари қўлланилади.

**2-боб. Назорат турлари ва баҳолаш мезонлари**

**1-§. Назорат турлари**

5. Талабалар билимини назорат қилиш жорий, оралиқ ва якуний назорат  
турларини ўтказиш орқали амалга оширилади.
6. Оралиқ назорат семестр давомида ишчи фан дастурининг тегинли  
бўлими тугагандан кейин талабанинг билим ва амалий кўникмаларини баҳолаш  
мақсадида ўқув машғулотлари давомида ўтказилади.
7. Оралиқ назорат тури ҳар бир фан бўйича фаннинг хусусиятидан келиб  
чиккан ҳолда 2 марта гача ўтказилиши мумкин.

8. Оралиқ назорат турини ўтказиш шакли ва муддати фаннинг хусусияти ва фанга ажратилган соатлардан келиб чиқиб тегишли кафедра томонидан белгиланади.

9. Семестр давомида ҳафтасига 4 академик соат (72 соат)дан кам бўлган фанлар бўйича оралиқ назорат тури ўтказилмайди.

10. Талабанинг амалий, семинар, лаборатория машғулотлари ва мустақил таълим топширикларини бажариши, шунингдек унинг ушбу машғулотлардаги фаоллиги фан ўқитувчиси томонидан баҳолаб борилади. Баҳолаш мазкур Низомнинг 15-бандида назарда тутилган мезонлар асосида амалга оширилади.

11. Якуний назорат фан якунида тегишли фан бўйича талабанинг назарий билим ва амалий кўникмаларини ўзлаштириш даражасини аниқлаш мақсадида ўтказилади.

12. Якуний назорат турини ўтказиш шаклини ОТМнинг марказий услугбий кенгashi белгилайди ва ОТМнинг буйруғи билан тасдиқланади.

13. Якуний назорат тури ўқув-услубий бўлим томонидан ишлаб чиқиладиган ҳамда ўқув ишлари бўйича проректор тасдиқлайдиган Якуний назорат турларини ўтказиш жадвалига мувофиқ ўтказилади.

14. Оралиқ ва якуний назорат турлари объектив тизимлаштирилган клиник синов ёки объектив тизимлаштирилган имтиҳон шаклларида ўтказилиши мумкин.

## **2-§. Талабалар билимини баҳолаш мезонлари**

15. Талабаларнинг билими қуидаги мезонлар асосида:

- талаба мустақил ҳулоса ва карор қабул қиласи, ижодий фикрлай олади, мустақил мушоҳада юритади, олган билимини амалда қўллай олади, фаннинг (мавзунинг) моҳиятини тушунади, билади, ифодалай олади, айтиб беради ҳамда фан (мавзу) бўйича тасаввурга эга деб топилганда - 5 (аъло) баҳо;

- талаба мустақил мушоҳада юритади, олган билимини амалда қўллай олади, фаннинг (мавзунинг) моҳиятини тушунади, билади, ифодалай олади, айтиб беради ҳамда фан (мавзу) бўйича тасаввурга эга деб топилганда - 4 (яхши) баҳо;

- талаба олган билимини амалда қўллай олади, фаннинг (мавзунинг) моҳиятини тушунади, билади, ифодалай олади, айтиб беради ҳамда фан (мавзу) бўйича тасаввурга эга деб топилганда - 3 (қониқарли) баҳо;

- талаба фан дастурини ўзланштирган, фаннинг (мавзунинг) моҳиятини тушунмайди ҳамда фан (мавзу) бўйича тасаввурга эга эмас деб топилганда - 2 (қониқарсиз) баҳо билан баҳоланади.

16. Назорат турларини ўтказиш бўйича тузилган топширикларнинг мазмуни талабанинг ўзлаштиришини ҳолис (объектив) ва аниқ баҳолаш имкониятини бериши шарт.

## **3-боб. Талабалар билимини баҳолаш**

17. Талабалар билимини баҳолаш 5 баҳолик тизимда амалга оширилади.

18. Оралиқ ва якуний назорат турларини ўтказиш, шунингдек талабаларнинг билимини баҳолаш тегишли кафедра мудири томонидан ташкил

этиладиган комиссия томонидан амалга оширилади.

- комиссия таркиби тегишли фан профессор-ўқитувчилари ва соҳа мутахассислари орасидан шакллантирилади.

- комиссия таркибига келишув асосида бошқа ташкилотларнинг соҳа мутахассислари ҳам жалб қилиниши мумкин.

19. Олий таълим муассасасида назорат турларини ўтказилиши тегишли олий таълим муассасасининг таълим сифатини назорат килиш бўлими томонидан доимий равишда ўрганиб борилади.

- бунда назорат турларини ўтказилиш тартиби бузилганлиги аникланган ҳолларда, ўтказилган назорат турларининг натижалари бекор қилиниши ҳамда тегишли назорат тури қайтадан ўтказилиши мумкин.

20. Маъруза, амалий, лаборатория ва семинар машғулотларини колдирган ёки қониқарсиз баҳо олган ва уни қайта топширмаган талаба оралиқ назоратга киритилмайди.

Талабалар тегишли фан бўйича якуний назорат тури ўтказиладиган муддатга қадар оралиқ назорат турини топширган бўлишлари шарт.

21. Оралиқ назорат турини топширмаган, шунингдек ушбу назорат тури бўйича “2” (қониқарсиз) баҳо билан баҳоланганди талаба якуний назорат турига киритилмайди.

-якуний назорат турига кирмаган ёки киритилмаган, шунингдек ушбу назорат тури бўйича “2” (қониқарсиз) баҳо билан баҳоланганди талаба академик қарздор ҳисобланади.

22. Талаба узрли сабабларга кўра оралиқ ва (ёки) якуний назорат турига кирмаган тақдирда ушбу талабага тегишли назорат турини қайта топширишга факультет деканининг фармойиши асосида рухсат берилади.

23. Бир кунда 1 тадан ортиқ фан бўйича якуний назорат тури ўтказилишига йўл қўйилмайди. Якуний назорат турларини ўтказиш камида 2 кун оралиғида белгиланиши лозим.

24. Битирувчи курс бўлмаган талабалар кузги семестр натижалари бўйича 3 тагача фандан (фандардан) академик қарздорлиги бўлган ҳолларда талабага бир ойгача, баҳорги семестр натижалари бўйича 3 тагача фандан (фандардан) академик қарздорлиги бўлган талабага тегишли фан (фандар) бўйича оралиқ ва (ёки) якуний назорат турларини янги ўқув йили бошидан қайта топшириш учун 1 ой муддат берилади.

- битирувчи курс талабаларига баҳорги семестр натижалари бўйича ўзлаштирган фандан (фандардан) қайта топшириш учун якуний давлат аттестацияси бошлангунга қадар рухсат берилади.

- фандардан академик қарздорлиги 4 та ва ундан кўп бўлган талабаларга қайта топширишга рухсат берилмайди ва улар олий таълим муассасаси ректорининг (бошлигининг, филиал директорининг) буйруғи билан курсдан қолдирилади.

25. Талабага оралиқ ва (ёки) якуний назорат турини қайта топшириш учун берилган муддат давомида талаба томонидан қайта топширишлар сони 2 мартадан кўп бўлмаслиги керак.

- талаба оралиқ ва (ёки) якуний назорат турини биринчи марта қайта топширишдан ўта олмаган тақдирда, факультет декани томонидан комиссия тузилади. Комиссия таркиби тегишли фан бўйича профессор-ўқитувчи ва соҳа мутахассислари орасидан шакллантирилади.

- иккинчи марта оралиқ ва (ёки) якуний назорат турини ўтказини ва талабани баҳолаш мазкур комиссия томонидан амалга оширилади.

26. Берилган муддат давомида мавжуд бўлган қарздорликни топнира олмаган талаба бўйича факультет декани билдирги билан олий таълим муассасаси ректорини (бошлигини, филиал директори) хабардор килади ва ушбу талаба ректор (бошлиқ, филиал директори) буйруғи асосида курсдан қолдирилади.

27. Талаба узрли сабабларсиз малакавий амалиётга қатнашмаган, шунингдек малакавий амалиёт якунлари бўйича “2” (қониқарсиз) баҳо билан баҳоланганд ҳолларда, у академик қарздор хисобланади ва курсдан қолдирилади.

28. Курсда қолдирилган талаба фанни (фандарни) ўзлаштирган семестр бошидан тўлов-контракт асосида мазкур ўкув йилининг тегишли семестри учун тасдиқланган ўкув режага мувофиқ ўқишини давом эттиради.

29. Баҳолаш натижасидан норози бўлган талабалар факультет декани томонидан ташкил этиладиган Апелляция комиссиясига апелляция бериш хукуқига эга.

30. Апелляция комиссияси таркибига талабани баҳоланида иштирок этмаган тегишли фан профессор-ўқитувчилари орасидан комиссия раиси ва камида тўрт нафар аъзо киритилади.

31. Талаба баҳолаш натижасидан норози бўлган тақдирда, баҳолаш натижаси эълон қилинган вақтдан бошлаб 24 соат давомида апелляция бериши мумкин. Талаба томонидан берилган апелляция Апелляция комиссияси томонидан 2 кун ичida кўриб чиқилиши лозим.

32. Талабанинг апелляциясини кўриб чиқишида талаба иштирок этиш хукуқига эга.

33. Апелляция комиссияси талабанинг апелляциясини кўриб чиқиб, унинг натижаси бўйича тегишли қарор қабул қилади. Қарорда талабанинг тегишли фанни ўзлаштиргани ёки ўзлаштира олмагани кўрсатилади.

- апелляция комиссияси тегишли қарорни факультет декани ва талабага етказилишини таъминлайди.

#### **4-боб. Баҳолаш натижаларини қайд қилиш**

34. Талабалар билимини баҳолаш тегишли фан бўйича профессор-ўқитувчи томонидан Талабаларнинг фандарни ўзлаштиришини ҳисобга олиш журналида (бундан буён матнда Журналда деб юритилади) қайд этиб борилади. Профессор-ўқитувчи кўшимча равишда талабалар билимини баҳоланини электрон тизимда ҳам юритиши мумкин.

Профессор-ўқитувчи журналда талабага кўйилган баҳоларни шу куннинг ўзида қайд этиб боради. Агар талабанинг билимини баҳолаш ёзма иш

шаклида ўтказилган бўлса, бунда профессор-ўқитувчи талабаларнинг натижаларини З кундан кўп бўлмаган муддатда журналга қайд этиши лозим.

35. Назорат тури бўйича талабанинг билими “3” (қоникарли) ёки “4” (яхши) ёхуд “5” (аъло) баҳо билан баҳолангандা, назорат турини қайта топширишга йўл қўйилмайди.

36. Талаба назорат тури ўтказилган вактда узрли сабабларсиз қатнашмаган ҳолларда Журналга “0” белгиси ёзиб қўйилади.

37. Журнал тегишли фан бўйича ўқув машгулотларини олиб борган профессор-ўқитувчи, кафедра мудири ва факультет декани томонидан имзоланади ҳамда факультет деканатида сақланади. Журналнинг сакланиши учун факультет декани масъул хисобланади.

38. Талабаларнинг якуний назорат тури бўйича баҳолари Журналга қайд этилганда, шу куннинг ўзида талабанинг Баҳолаш дафтарига ҳам ёзиб қўйилиши керак.

Талабанинг тугалланган фан бўйича ўзлаштириш кўрсаткичи жорий, оралиқ ва якуний назоратларнинг ўртача арифметик қийматидан келиб чиқади ва бутун сонларда ифодаланади. Бунда талаба ҳар бир назорат туридан камида З “қоникарли” баҳо олиши лозим.

Ўқув режасига асосан бир неча семестр ўқитиладиган фанлардан тугалланмаган семестр бўйича талабанинг ўзлаштириш натижаси баҳолаш дафтари (зачётка)га “ўзлаштириди” деб қайд этилади.

Семестр якунига кўра тугалланмаган фанлар бўйича оралиқ назорат турига кирмаган ёки киритилмаган, шунингдек ушбу назорат тури бўйича “2” (қоникарсиз) баҳо билан баҳоланганди талаба академик қарздор хисобланади.

39. Якуний назорат тури бўйича талабанинг билими “2” (қоникарсиз) баҳо билан баҳоланганди ёки Журналга “0” белгиси ёзиб қўйилган ҳолларда ушбу баҳо ёки белги талабанинг Баҳолаш дафтарига ёзилмайди.

40. Журналнинг ўз вактида, тўғри ва тўлик юритилиши, шунингдек ундаги баҳо ва бошқа маълумотларга асоссиз ўзгартиришлар киритилмаслиги учун факультет декани ва тегишли фан бўйича профессор-ўқитувчи масъул хисобланади.

41. Тегишли ўқув йили якуни бўйича ишчи ўқув режадаги файлар бўйича “3” (қоникарли) ёки “4” (яхши) ёхуд “5” (аъло) баҳо билан баҳоланганди талаба олий таълим муассасаси ректори (филиал директор)ининг буйруғига асосан кейинги курсга ўтказилади.

42. Баҳолаш натижалари кафедра йиғилишлари, факультет ва олий таълим муассасаси Кенгашларида мунтазам равишда мухокама этиб борилади ва тегишли қарорлар қабул қилинади.

43. Ўзбекистон Республикасининг олий таълим муассасаларида талабалар ўзлаштиришини баҳолаш тизимини 5 баҳо ёки 100 баллик тизим ва илғор хорижий давлатлар олий таълим тизимида кўлланиладиган баҳолаш тизимиға қиёсий тақослаш ҳамда уларга ўтказиш мазкур Низомнинг иловасига мувофик жадваллар асосида амалга оширилади.

## **5-боб. Якуний қоида**

44. Мазкур Низом Ўзбекистон Республикаси Вазирлар Маҳкамаси хузуридаги Давлат тест маркази, Ҳалқ таълими вазирлиги, Вазирлар Маҳкамаси хузуридаги Таълим сифатини назорат қилиш инспекцияси, Соғлиқни саклаш вазирлиги, Иқтисодиёт вазирлиги, Молия вазирлиги, Ташқи ишлар вазирлиги, Ахборот технологиялари ва коммуникацияларини ривожлантириш вазирлиги, Маданият вазирлиги, Жисмоний тарбия ва спорт вазирлиги, Қурилиш вазирлиги, “Ўзбекистон темир йўллари” акциядорлик жамияти, Автомобиль йўллари давлат қўмитаси, “Навоий кон-металлургия комбинати” давлат корхонаси, Ўзбекистон Бадиий академияси ҳамда Давлат солиқ қўмитаси билан келишилган.